

**Tertia Seraphica Vinea, Sive Tertius Ordo De Poenitentia
à S.P.N. Francisco institutus**

Pauck, Engelbert

Coloniae, 1720

Caput XXXIII.

[urn:nbn:de:hbz:466:1-64103](#)

S. Matris Ecclesiæ exaltatione orantibus; qui quotidie per integrum annum Coronam S. Birgittæ, dummodo sit saltem 5. Decadum, recitaverint; semel in anno, die per unumquemque Christi-Fidelem eligendâ, plenaria in Indulgentiam omnium peccatorum, cum facultate etiam eandem plenariam Ind. applicandi animabus in Purgatorio existentibus.

Ad has Indulgentias lucrandum, requiritur, ut Coronæ à P. P. Superioribus Monasteriorum, aut ab aliis Religiosis, Ordinis sanctissimi Salvatoris, seu S. Birgittæ, ad id specialiter deputatis, sint benedictæ.

DECRETUM.

S. Congregatio Indulgentiis, & S. Reliquiis præposita 26. Novemb. 1714. censuit, permitti posse impressionem præsentis Summarii Indulgentiarum concessarum Coronis (quas vocant S. Birgittæ) additâ declaratione, quod omnes aliae Indulgentiae, quæ in præsenti Summario expressè non continentur, sint aut apocryphæ, aut nullæ, aut à Ss. D. N. Clemente XI. revocatae per supradictum Breve, datum die 22. Septembris 1714.

Prohibet insuper eadem S. Congregatio; ne hujusmodi Coronæ vendantur, aut alteri commodenetur; si que secus fiat; declarat supradictas Indulg. cessare, & nullius esse roboris vel momenti. Datum 4. Decemb. 1714.

L. Card. Picus Præfectus.

Loco  Sigilli.

Raphael Cosinus de Hieronym. Secret.
Romæ Typis Rev. Cam. Apostol. 1715.

C A P U T XXXIII.

De Indulgentiis, quæ Coronis (vulgò dictis Rosariis Domini nostri Jesu Christi) annexæ sunt.

CXLII. *Eo Papa X. postquam à personis si-
de dignis intellexisset; qualiter pius*

quidam Eremita Eremi Camaldulensis, divino inspirante spiritu, cogitare cœperit: quod sicut in memoriam & honorem annorum (quibus B. Virgo in hoc mundo vixit) recitatur Corona dicta B. Virginis; ita in memoriam & honorem annorum, quibus D. N. J. Christus in hoc mundo fuit conversatus: convenienter à Fidelibus recitaretur Corona seu Rosarium dictum D. N. J. Christi, constans 33. *Pater noster*, cum interpositione quinque Ave Maria, quam Coronam Sua Sanctitas non solum approbavit, sed etiam concessit Indulgentiam 10. annorum, pro qua libet vice, quâ recitaretur. Recitantibus vero anno integro, die quolibet ultra prædictam concessit etiam indulgentiam 1000. annorum. Iis vero, qui per totam vitam quotidie eam recitaverint, prædictas Indulgentias duplicavit, proque articulo mortis concedit suam Apostolicam Benedictionem, prout patet ex Brevi dato Florentiæ 18. Febr. 1516. anno 3. sui Pontificatus.

Subinde Gregorius XIII. in alio Brevi, dato Romæ 14. Febr. 1573. Pontific. sui anno 1. prædictas Indulgentias confirmavit, ultróque iis, qui toto anno (cessante legitimo impedimento) quotidie illam Coronam recitaverint, & contriti confessisque fuerint, concessit Indulg. plenariam in Festo Paschatis. Iis vero, qui usque ad finem vitæ ita continuauerint, & contriti confessisque fuerint, vel saltem veræ Pœnitentia signum ediderint, Indulg. plenar. in articulo mortis. Sixtus V. deinde majoribus gratis hanc devotionem prosequens per particulare Breve, datum Romæ ad S. Petrum sub annulo pescatoris. 3. Febr. 1589. Pontific. sui anno 4. concessit Primò. Iis: qui talem coronam habuerint; quotiescumque eam recitaverint, dummodo contriti & confessi fuerint, aut saltem contriti firmum confitendi propositum habuerint, 200. annorum Indulgentiam. 2dò. Qui eam

eam secum devotè portaverit, eamque diebus festivis Ecclesiæ aut Feriis 2. 4. & 6. recitaverit, dummodo confessus sit, & communicaverit: 5o. annorum Indulgentiam. 6to. Illi qui saltem 4. vicibus de septimana eam recitare solitus sit, in uno die totius anni ad ejus arbitrium eligendo; dummodo tunc confessus & S. Synaxi refectus fuerit, eamque tunc etiam recitaverit: conceditur Indulg. plenaria, & remissio omnium peccatorum. 4to. Ille, qui hanc coronam solitus fuerit dicere saltem tribus vicibus per hebdomadam, atque in Bello contra S. Matris Ecclesiæ inimicos, hæreticos, aut infideles constitutus, dummodo indie prælii, aut antecedente dictam Coronam piè recitaverit; & in ipso conflictu mente ad Deum elevatâ peccatorum suorum veniam à Deo petierit, eumque in conflictu mori contigerit, accipit Indulg. plenar. 5to. Quicunque infirmus talem Coronam habuerit, eamque anteā solitus fuerit recirare; dummodo contritus & confessus in fine vitæ suæ sanctissimum Nomen IESU ore, aut saltem corde devotè invocaverit; si tunc moriatur: acquirit Indulgentiam plenariam, & remissionem omnium peccatorum in forma Jubilæi. Si verò tunc ex vivis non discesserit; lucrabitur tamen Indulgentiam ducentorum annorum. 6to. Qui dictam Coronam secum portaverit, & nomen IESU devotè invocans, prævio conscientiæ suæ examine, ter Orationem Dominicam, & toties Salutationem Angelicam devotè dixerit, pro felice & tranquillo S. Matris Ecclesiæ statu: habet Indulgentiam 20. dierum. 7mo. Si verò talis prævio dicto conscientiæ examine, & Confessione actuali, Deum rogaverit pro S. Matris Ecclesiæ exaltatione, atque hæresum extirpatione; lucrabitur Indulgentias 20. annorum. 8vo. Qui aliquam dictarum Coronarum habuerit, & ab audienda Missa in die festo legitimè impe-

ditus recitaverit quinques Orationem Dominicam cum totidem Ave Maria. hoc ipso defectum illum supplere censebitur; prout & hoc ipso satisfacit pro omnibus mentis evagationibus sub auditione Missæ, non tamen voluntariè occurrentibus, & studio quæstis. 9no. Quicunque similem Coronam secum deportaverit: ad omne & quodcunque opus pium, quod operatus fuerit, dummodo adjungat ter Orationem Dominicam, & toties Salutationem Angelicam: acquirit Indulgentiam 10. annorum. 10mo. Quicunque in diebus Stationum Urbis Romæ, sive Romæ existens Ecclesiæ Stationum ejusdem Urbis personaliter visitare non posset, sive longius ab eadem Urbe Româ distaret; dummodo aliquam ex hisce Coronis habuerit, & visitaverit aliquam Ecclesiæ sibi bene visam, aut, dum nec illud poterit, recitaverit dictam Coronam cum 7. Psalmis Pœnitentialibus, Litaniis, & Precibus adjunctis; lucrabitur Indulgentiam ducentorum annorum. 11mo. Omnes, & singulæ supradictæ Indulgentiæ (dummodo opera cum tali intentione peragantur, ut animæ Fidelium Defunctorum per ipsas juventur) etiam animabus ipsis Defunctorum, in Purgatorio existentium, per modum Suffragii applicari queunt. 12mo. Tandem additur Clausula, quod dictæ Coronæ neque vendi possint, neque aliis mutuò dati; alioquin hoc ipso omnes prædictæ Indulgentiæ cessant, & nullius omnino sunt rationis.

Demum. Novissimè summus Pontifex Clemens X. cum suo Brevi recentiori, dato Romæ apud S. Mariam Majorem die 20. Julii, anno Dominicæ Incarnationis 1670. de novo approbavit laudabilem, & antiquum usum Patrum Monachorum, & Eremitarum Camaldulensium dispensandi Coronas hujusmodi Domini nostri IESU Christi; atque easdem Indulgentias illis perpetuò annexuit:

Primo. Quicunque verè contritus & confessus, aut cum firmo proximè saltem confitendi Proposito, habuerit aliquam ex supradictis Coronis, ipsi ab aliquo Patre Monacho, vel Eremita Camaldulensi immedietè, vel mediante alterā personā datam, eāmque recitaverit; quotiescumque id fecerit, toties acquirit Indulgentiam 200. annorum.

2dō. Qui similem Coronam, sibi (ut suprà insinuatum) datam; secum deportaverit, eāmque singulis Feriis secundis, quartis, & sextis, ac insuper diebus Ecclesiæ festis devotè recitaverit, ac contritè confessus, sacrâque Synaxi refectus fuerit; acquirit Indulgentiam 150. annorum.

3tō. Qui quatuor saltem vicibus per hebdomadam: Coronam hujusmodi, recitare solitus fuerit; uno anni die, ab ipso ad arbitrium eligendo, lucrabitur Indulgentiam plenariam; dummodo etiam tunc confessus & S. Communione refectus eandem recitet.

4tō. Qui per integrum mensem quotidie Coronam hujusmodi recitaverit, postmodumque Confessione & Communiione præviâ pias ad Deum preces effuderit; pro exaltatione S. Matris Ecclesiæ, concordia Principum Christianorum, & Hæresum extirpatione: acquiret Indulg. plenariam, & remissionem omnium peccatorum.

5tō. Qui tribus saltem vicibus per hebdomadam, coronam illam recitare solitus fuerit, atque in Bello contra S. Matris Ecclesiæ hostes, Hæreticos, sive infideles constitutus [reliqua vide ut suprà] in Concessione *Sixti V.* Pontificis Maximi, cum eadem ampliatione ad animas Fidelium in charitate Dei defunctorum] & seriâ prohibitione; ne Coronæ hujusmodi aliis vendantur mutuoventur sub pœnâ omnimoda cessationis omnium Indulgentiarum ipso facto incurriendâ; declarando etiam circa venditionem, & commodationem earum, se velle observari, quo

ad hoc, Decretum *Alexandri VII.* datum 6. Februarii. Anno 1657.

Hæ Indulgentiae sunt desumptæ ex Summario Indulgentiarum Roma impresso.

C A P U T XXXIV.

Indulgentiæ primariæ & plenariæ concessæ portantibus Scapulare Carmelitanum.

CXLIII. *P*rimus & maximus thesaurus hujus Fraternitatis est, Indulgentia Sabbathina; quâ primo die Sabbathi post obitum Sodalis liberatur è Purgatorio juxta promissionem factam à Beata Virgine attestantibus *Joanne XXII.* & *Clemente V.* Pontificibus. Suffragium hoc pro animabus, in Purgatorio ex Scapularis Confraternitate mortuis, in cælis esse confirmatum, *Alexander V.* *Gregorius XIII.* *Pius V.* *Paulus V.* permiserunt; ut id publicè prædictari posset, & piè credi, B. V. Animas Sodalium in charitate decedentium, qui in vita Officium parvum recitaverint, vel Ecclesiæ jejunia observaverint, & Feriâ quartâ à carnis abstinuerint, die Sabbathi post transiitum ex hac vita Deiparæ intercessionibus adjuvandas.

Paulus V. plenariam largitus est Indulgentiam omnibus, primo die: quo hanc Solidatatem ingrediuntur; si verè pœnitentes sumperint S. Eucharistiaæ Sacramentum.

Item Indulgentiam plenariam in una Dominica cuiuslibet Mensis, quâ solennis instituitur ab hac Confraternitate Processio: si confessi, & sanctâ Communione refecti, interfuerunt huic Processioni.

Item sub iisdem conditionibus in Festo principali Commemorationis B. Mariæ de Monte Carmelo.

Item in mortis Articulo: si nomen JESU ore